



Politička organizacija građana „Naša stranka“

Branilaca Sarajeva 5/1, 71000 Sarajevo

Telefon: +387 33 408 888; Fax: +387 33 408 881

E-mail: nasastranka@nasastranka.ba

Web: www.nasastranka.ba

Sarajevo, _____ 2018.

Broj: _____/18

Poštovani,

ovim putem iniciram postupak za izmjene i dopune Etičkog kodeksa izabраниh zvaničnika Grada Sarajeva, sukladno članu 19. Poslovnika Gradskog vijeća Grada Sarajeva te članu 27. stavu (1) Statuta Grada Sarajeva, na način da se donese Odluka o izmjenama i dopunama Etičkog kodeksa izabраниh zvaničnika Grada Sarajeva.

Ovim izmjenama i dopunama bi se uvrstilo seksualno uznemiravanje, kako izabраниh zvaničnika, tako i zaposlenih u orgnaima Grada Sarajeva te drugih lica, u neprihvatljive oblike ponašanja za izabrane zvaničnike Grada Sarajeva. Za ovakvo ponašanje bi se također, po prvi put, predvidjele sankcije. Sve ovo je u skladu sa Zakonom o ravnopravnosti spolova BiH.

Prijedlog Odluke dostavljam prilogu, a u njoj je sadržano obrazloženje, kao i pravni osnov za njeno donošenje.

S poštovanjem,

Vibor Handžić

Predsjednik Kluba gradskih vijećnika Naše stranke

**Gradsko vijeće Grada Sarajeva
Klub gradskih vijećnika Naše stranke**

**Dostaviti:
Grad Sarajevo
Kolegij Gradskog vijeća
n/r predsjedavajući Gradskog vijeća dr Igor Gavrić
Etičko vijeće Gradskog vijeća**

**PREDMET: PRIJEDLOG ODLUKE O IZMJENAMA I DOPUNAMA ETIČKOG
KODEKSA IZABRANIH ZVANIČNIKA GRADA SARAJEVA**

Poštovani,

u skladu sa članom 19. stav (1) Poslovnika Gradskog vijeća Grada Sarajeva ("Službene novine Kantona Sarajevo", broj 28/09) te članom 27. stav (1) Statuta Grada Sarajeva („Službene novine Kantona Sarajevo", broj 34/08), ovim putem podnosim:

**PRIJEDLOG ODLUKE O IZMJENAMA I DOPUNAMA ETIČKOG KODEKSA IZABRANIH
ZVANIČNIKA GRADA SARAJEVA**

Predlažem da se predloženi akt razmatra po skraćenom postupku, u skladu s članom 121. Poslovnika Gradskog vijeća, budući da se radi o prijedlogu izmjena i dopuna koje nisu ni obimne niti složene.

S poštovanjem,

**Vibor Handžić
Predsjednik Kluba gradskih vijećnika Naše stranke**

Na osnovu člana 11. stav (3) i člana 24. Zakona o ravnopravnosti spolova u Bosni i Hercegovini - Prečišćeni tekst („Službeni glasnik BiH”, broj 32/10), člana 4. stav (2) Zakona o zabrani diskriminacije („Službeni glasnik BiH”, broj 59/09), člana 13. stav (2) Zakona o principima lokalne samouprave u Federaciji Bosne i Hercegovine („Službene novine FBiH”, broj 49/06 i 51/09), te članova 12. i 26. Statuta Grada Sarajeva – Prečišćeni tekst („Službene novine Kantona Sarajevo”, broj 34/08), Gradsko vijeće Grada Sarajeva, na sjednici održanoj _____ 2018. godine, usvojilo je:

(Prijedlog)

ODLUKA

o izmjenama i dopunama Etičkog kodeksa izabranih zvaničnika Grada Sarajeva

Član 1.

Iza člana 20. dodaje se novi član 20a. koji glasi:

“Član 20a.

(Zabrana seksualnog uznemiravanja)

- (1) Seksualno uznemiravanje je svaki neželjeni oblik verbalnog, neverbalnog ili fizičkog ponašanja spolne prirode kojim se želi povrijediti dostojanstvo osobe ili grupe osoba, ili kojim se postiže takav učinak, naročito kad to ponašanje stvara zastrašujuće, neprijateljsko, degradirajuće, ponižavajuće ili uvredljivo okruženje.
- (2) Pod neželjenim oblicima verbalnog ponašanja iz stava (1) smatraju se:
 - a) upućivanje verbalnih i fizičkih prijedloga seksualne naravi drugoj osobi;
 - b) zahtijevanje neželjenog fizičkog kontakta
 - c) iznošenje šala ili aluzija koje su spolne prirode, uključujući opaske u vezi spola i seksualne orijentacije;
 - d) izrugivanje i ismijavanje na spolnoj osnovi;
 - e) pisanje seksualno eksplicitnih ili sugestivnih poruka ili pisama;
 - f) neželjeni pozivi na sastanke, flertovanje te zahtijevanje spolnog odnosa ili seksualnih usluga;
 - g) širenje glasina seksualne naravi;
 - h) prijetnje upućene osobi koja odbija udovoljiti seksualnim ponudama.
- (3) Pod neželjenim oblicima neverbalnog ponašanja iz stava (1) smatraju se:
 - a) gestikulacije, znakovi i insinuacije koje upućuju na imitaciju spolnog odnosa;
 - b) izlaganje druge osobe bilo kojem materijalu eksplicitnog, uvredljivog ili uznemirujućeg sadržaja.
- (4) Pod neželjenim oblicima fizičkog ponašanja iz stava (1) smatraju se:
 - a) neželjeni fizički kontakti te dodiri seksualne naravi;
 - b) neželjena invazija ličnog prostora;
 - c) fizički nasrtaji i napadi.
- (5) Za izabrane zvaničnike neprihvatljivim se smatraju oblici ponašanja, definisani prethodnim stavovima ovog člana, spram drugih izabranih zvaničnika, lica zaposlenih u organima Grada Sarajeva i drugih lica.
- (6) Zabranjeno je preduzimanje mjera spram izabranog zvaničnika koji prijavi seksualno uznemiravanje.”

Član 2.

U članu 21. stavu (2) dodaje se nova tačka p) koja glasi:

“p) poštovati odredbe definisane članom 20a. ovog Kodeksa.”

Član 3.

U članu 28. iza stava (4), dodaje se novi stav (5) koji glasi:

“(5) Izabrani zvaničnici dužni su se prema zaposlenima u organima Grada Sarajeva ponašati u skladu s odredbama člana 20a. ovog Kodeksa.”

Član 4.

U članu 36. iza stava (5) dodaje se novi stav (6) koji glasi:

“(6) U praćenje i nadziranje odredaba člana 20a. ovog Kodeksa, pored Etičkog vijeća, uključuju se i Komisija za ravnopravnost spolova te Komisija za ljudska prava i slobode.”
Dosadašnji stavovi (6), (7), (8), (9), (10) i (11) tako postaju stavovi (7), (8), (9), (10), (11) i (12)

Član 5.

U članu 41. stav (1) iza tačke h) dodaje se nova tačka i) koja glasi:

“i) seksualno uznemiravanje izabranih zvaničnika, zaposlenih u organima Grada Sarajeva i drugih lica (član 20a. ovog Kodeksa).”

Član 6.

Ova Odluka stupa na snagu osmi dan od dana objavljivanja u Službenim novinama Kantona Sarajevo.

**PREDSJEDAVAJUĆI GRADSKOG VIJEĆA
GRADA SARAJEVA**

dr Igor Gavrić

OBRAZLOŽENJE

I - PRAVNI OSNOV

Pravni osnov za donošenje ove Odluke sadržan je u preambuli Odluke. Zakon o ravnopravnosti spolova u BiH - Prečišćeni tekst („Službeni glasnik BiH", broj 32/10) uređuje zaštitu od spolne diskriminacije, kako u privatnoj, tako i u javnoj sferi života. Ova diskriminacija može da se manifestuje kao direktna ili indirektna, kao poticanje na diskriminaciju, uznemiravanje, seksualno uznemiravanje i nasilje po osnovu spola. Pored članova navedenih u preambuli, pravnim osnovom za donošenje ove Odluke mogu se smatrati i odredbe sadržane u članu 5. stavovima (2) i (3), članu 13. stavu (2), članu 29. te članu 30. stavu (1) tački a) Zakona o ravnopravnosti spolova u Bosni i Hercegovini - Prečišćeni tekst („Službeni glasnik BiH", broj 32/10), kao i odredbe članova 51. i 52. Poslovnika Gradskog vijeća Grada Sarajeva (“Službene novine Kantona Sarajevo”, broj 28/09).

II - RAZLOZI ZA DONOŠENJE

Institucionalni mehanizmi za ravnopravnost spolova predstavljaju tijela i osobe koja uspostavljaju nadležni zakonodavni, izvršni i organi uprave svih nivoa vlasti u Bosni i Hercegovini radi provođenja Zakona o ravnopravnosti spolova u BiH. S tim u vezi, i organi jedinica lokalne samouprave dužni su obezbijediti efikasne mehanizme zaštite protiv spolne diskriminacije i seksualnog uznemiravanja te se obavezati da neće preduzimati nikakve disciplinske ili druge kaznene mjere prema osobi, zbog činjenice da se on/ona žalio/la na diskriminaciju, uznemiravanje, ili seksualno uznemiravanje, ili je svjedočio/la o diskriminaciji, uznemiravanju, ili seksualnom uznemiravanju, i to putem donošenja novih ili izmjena i dopuna postojećih akata, kako bi se isti uskladili sa odredbama Zakona o ravnopravnosti spolova u BiH - Prečišćeni tekst („Službeni glasnik BiH", broj 32/10).

Usvajanjem ove Odluke Gradsko vijeće Grada Sarajeva bi također obezbijedilo mehanizme zaštite protiv spolne diskriminacije i seksualnog uznemiravanja u svojim redovima, a sve u skladu sa Zakonom o ravnopravnosti spolova u Bosni i Hercegovini - Prečišćeni tekst („Službeni glasnik BiH", broj 32/10).

III - OBJAŠNJENJE POJEDINIH ODREDBI

Članom 1. ove Odluke u važeći Kodeks dodaje se novi član 20a. koji definiše i zabranjuje oblike seksualnog uznemiravanja. Ostali članovi predstavljaju usklađivanje novog člana 20a. sa postojećim članovima Kodeksa.

Članom 2. ove Odluke se u ponašanje neprihvatljivo na sjednicama Gradskog vijeća uvrštava i seksualno uznemiravanje, u skladu s odredbama novog člana 20a.

Članom 3. ove Odluke se u ponašanje neprihvatljivo za izabrane zvaničnike u interakciji sa zaposlenima u organima Grada Sarajeva uvrštava i ponašanje definisano odredbama novog člana 20a.

Članom 4. ove Odluke uključuju se Komisija za ravnopravnost spolova i Komisija za ljudska prava i slobode u praćenje i nadziranje odredaba uređenih novim članom 20a., u skladu sa svojim nadležnostima definisanim članovima 51. i 52. Poslovnika Gradskog vijeća Grada Sarajeva (“Službene novine Kantona Sarajevo”, broj 28/09).

Članom 5. ove Odluke se seksualno uznemiravanje od strane izabranih zvaničnika, upućeno drugim izabranim zvaničnicima, zaposlenima u organima Grada Sarajeva i drugim licima, definisano novim članom 20a., uvrštava među najteže oblike kršenja Kodeksa.

IV - POTREBNA FINACIJSKA SREDSTVA

Za provedbu ove Odluke nije potrebno planirati dodatna finacijska sredstva Budžetom Grada Sarajeva.

Predlagač materijala:

Vibor Handžić

Klub gradskih vijećnika Naše stranke